



COMUNU DE SCALEPRANU

Provìntzia de Casteddu

Bia Sindigu Gianni Carta 18 - 08043 Scalepranu - ☎ 070/954101 - FAX 070 9541020

Prot. N. 4248

Scalepranu 19/06/2014

SI FAIT SCIRI

Ca custu Comunu bolit providiri a s'assinniamentu de contributus po su svilupu de su sport, po s'atividadis sportiva ordinària fata de is assòtzios sportivos assentaus a s'Albu Comunali e Regionali de is assòtzios sportivos cunforma a sa L. R. 17/99.

Is resursas finantiàrias a disponimentu in su bilàntziu comunali po s'atividadis fata de is assòtzios in s'annu 2014 o in sa stasoni sportiva 2014/2015 funt

• Contributus po su svilupu de su sport € 12.000,00

Funt ammitius a beneficiari de is contributus sceti is assòtzios sportivos diletantísticos in possessu de custos rechisidus:

- sedi legali e chi operant in su Comunu de Scalepranu;
- chi praticant deaderus disciplinas sportivas in su territòriu comunali in s'annu 2014 o in sa stasoni sportiva 2014/2015 (po is assòtzios chi serrant s'atividadis in làmpadas);
- statudu agiorronau a su D.L gs. n° 460/97 e a sa normativa in vigèntzia in matéria de assòtzios sportivos diletantísticos, scritu in sa forma de s'auto pùbbicu o de sa scrittura privada autenticada o arregistrada.
- regulari affiliatzioni po s'annu 2014 a Federatzionis e/o a Entis de Promotzioni Sportivas arreconnotus de su CONI;
- iscritas, o chi ant pediu s'iscritzioni, in s'arregistru de is assòtzios sportivos in possessu de su CONI;
- iscritas, o chi ant pediu s'iscritzioni a s'Albu Regionali de is Assòtzios Sportivos in possessu de sa Regioni Sardínnia.

Sa presentatzioni de is domandas de parti de is chi tenint deretu at a depi èssiri fata aintru de trinta dias de sa data de pubbricatzioni de custu avvisu est a nai aintru de is **12.00 de sa dia 21/07/2014** imperendu sa modulística posta a disponidura de s'uffitziu chi tenit cumpetèntzia, in deretura a s'Uffitziu Protocolu de su Comunu, o spedita de sa posta, po custas at a fàiri fidi su timbru postali.

S'assenniatzioni at a èssiri fata apustis de s'esàmini de sa domanda, chi s'at a dèpiri fàiri aintru de 30 dias de sa data de scadèntzia de su tèrmini de presentatzioni prevediu in custu bandu. Sa cantidadi de su contribuutu at a èssiri cunformada a s'importu chi ant tentu is atividadis fatas de su sogetu chi fait sa domanda, arripetendu su regulamentu comunali chi disciplinat sa matéria e de sa deliberatzioni de sa Giunta Comunali chi pertocat a is critèrius e modalidadis po acantzai is contribuuus.

In s'esàmini de is domandas s'at a tènniri contu de custos elementus e critèrius de valutatzioni:

- Trasfertas fatas po manifestatzionis sportivas sceti a caràteri regionali;
- Volùmini e livellu de s'atividadis fata cun particolari arriferimentu a cussa poi s giòvunus;
- Nùmuru de is tesseraus;
- Iniziativas chi tengant caràteri annoadori in cunfrontu a s'offerta de is atividadis sportivas chi funt ancora portendu ananti, sumpepari in su setori giòvunus;

No ant a èssiri ammítias is domandas arribbadas prima de sa pubbricatzioni de custu avvisu, chi non funt cunforma a sa modulística e chi manchint de sa documentatzioni pedia, o chi non siant regularizadas aintru de is tèrminis previdius.

Ca sa domanda de contribuutu est stètia atzetada at a èssiri comunicau a is beneficiàrius chi, po otènniri sa licuidatzioni, ant a dèpiri presentai aintru de is tèrminis inditaus in sa litéra de comunicatzioni, sa documentatzioni prescrita.

In s'uffitziu amministrativu de su Comunu e in s'albu Pretòriu Informàticu de su comunu a s'indiritzu web **www.comune.escalapiano.ca.it** funt disponìbilis custu avvisu e sa modulística po pediri is contributus.

SU RESPONSABILITÀ DE SU SERVÌTZIU
Giovanni Luigi Mereu